



Բյուրեղավանի մարզադպրոցի սան, սամբո ըմբշամարտի Եվրոպայի փոխչեմպիոն, մեր համաքաղաքացի Աննա Մկրտչյանը հոկտեմբերի 6-ին կմեկնի Ռումինիա՝ մասնակցելու աշխարհի առաջնությանը: Բուխարեստ քաղաքում հոկտեմբերի 6-10-ը տեղի կունենա աշխարհի պատանիների, երիտասարդների, աղջիկների և կանանց առաջնություն: Այդ մրցաշարին Հայաստանը ներկայացնում է քսան մարզիկ՝ Արցախից և տարբեր մարզերից: Միջազգային մրցաշարում Աննա Մկրտչյանը հանդես կգա ծանր քաշայինների կարգում: ՀՀ սամբո ըմբշամարտի վաստակավոր մարզիչ, միջազգային կարգի մրցավար Վոլիկ Խոջոյանը նշեց. «Բյուրեղավանի ներկայացուցիչ Աննա Մկրտչյանը գտնվում է ֆիզիկապես լավ վիճակում: Քանի որ նա արդեն արժաթե մեդալակիր է, հույսեր ունենք, որ աշխարհի առաջնությունից կվերադառնա ոսկե մեդալով»: Եվրոպայի փոխչեմպիոնի անձնական մարզիչն է Արփինե Սուքիասյանը: Աննան միջազգային մրցաշարի մասնակցում է երրորդ անգամ: Մեր մարզիկի հովանավորությունն արդեն երկրորդ անգամ իր վրա է վերցրել քաղաքապետ Հակոբ Բալասյանը: Ի դեպ, Եվրոպայի առաջնությունից հետո Աննան քաղաքապետին խոստացել էր մեր քաղաքին նվեր անել և այս անգամ վստահեցնում է, որ Բուխարեստում կծածանվի եռագույնը և կվերադառնա ոսկի մեդալով:

29.09.16.